

44.

Konstanz, 1362 August 19.

Ulrich von Riehenstein verkauft dem Kloster St. Johann im Thurtal  
Hörige.

.. Allen den die disen brief ansehent lesen. hören lesen. Tün ich Vlrich von. Riehenstein. kunt. vnd vergich. offenlich mit. disem brief. für mich vnd für alle min erben. das. ich mit / güter vor-  
betrachtung vnd beschaidenhait, dis nachgeschriben. Lüt. Cünraten  
von Vnderwasser<sup>1</sup>. Rüdolfen. sinen Brüder. Ni Clausen. des.  
selben. Rüdolfs. elichen. sun, Belun des. selben Ni clausen eli-  
chen Tochter, Vlrichen. Rüdolfen. vnd hainrichen. an der  
Egge. gebrüder. vnd. Mächthiltens<sup>a</sup> iro Swöster; der vorgenemten.  
Cünratz. vnd. Rüdolfs. Brüder. kind. die. / min reht aigen waren.  
mit. lib mit gü. vnd mit allen rehten. reht vnd redlich. verkoft. vnd.  
ze. koffen<sup>b</sup> geben hân Dem Erwürdigen herren: Abt. . Johansen<sup>2</sup>  
von. Gottes. verhengnüst / Abt des.<sup>c</sup> Gotzhus. ze Sant. Johann. ge-  
legen. in. Turtal<sup>3</sup>. Sant. Benedikten ordens. in Costenzer Bi-  
stöm. sinen nächkomen. vnd dem vorgeschriben. Gotzhus. vmb. sibenzig.  
pfunt. vnd. zwai. / pfunt. pfenning. güter. Costenzer muns.  
der selben pfenning ich gar vnd gantzlich. von jm gewert bin an den  
stetten do ich minen frömen mit geschaffot. hân. vnd. hân. och. / die.  
vorgeschriben Lüt mit lib mit gü. vnd mit allen dem. vorgenemten  
herren. Abt. Johansen: vnd dem, Gotzhus ze Sant Johân. vgeben  
vnd geuertgot. als reht sitte. vnd. ge-/wonlich was. Vnd hân. mich  
och darüber enzigen vnd enzih mich mit disem brief. für mich vnd für  
alle min erben gen. dem. vorgenemten herren. Abt. Johansen gen  
allen / sinen nächkomen. vnd gen dem vorgeschriben. Gotzhus. ze  
Sant. Johann aller aigenschaft. aller lehenschaft. aller manschaft, al-  
ler gewer aller besatzung aller zügnüst / lüt vnd brief alles rehten  
gaistlichs. vnd weltlichs gerihtes. aller vordrung vnd. ansprach. so.  
ich. zü den vorgeschriben Lüten zü ir lib ald. zü ir Gü ald daran /  
hatte. oder iemer gewinnen möcht, Jch. hab och. gelobt: für mich vnd